

do sint. 1. de pace, commerciis, aut amicitia, quæ Deo non præiudicet. 2. nõ firmentur per idola, sed per veri Dei cultum à piis: quicquid impii faciant.

55. SVRREXIT LABAN. Tertia circumstantia, læta catastrophe. Revertitur Laban amicus & bene preca-

tus filiabus. Sic Iacob liberatur. Exemplum congruens ad regulam: Multæ tribulationes iustorum, sed ex omnibus liberabit eos Dominus. Item: Diligentibus Dominum omnia cooperantur ad bonum. Item: In Domino confido, quid faciat mihi homo?

CAPITIS TRIGESIMI SECUNDI Argumentum, Vsus, Partitio, Analysis.

Hactenus fuit septima sectio libri iuxta Hebræos de peregrinatione Iacobi. Sequitur octava, quæ inchoant Hebræi à versu 3. huius capituli, & ab initiali dictione vocant וַיָּשָׁב & misit, vsque ad caput 37. de reditu Iacobi in terram Canaan.

Hoc capite memoratur, quid ei digresso à socero contigerit in via. Exercetur duplici periculo: metu fratris, quem sciens sibi infestum muneribus placare cogitat; & lucta cum angelo. In priore est tentatio desertionis Dei, quia metuit, ne à fratre potentiore opprimatur destitutus à Deo. In posteriore est grauior tentatio iræ diuinæ; quia videtur Deum habere hostem, à quo laceffitur ad pugnam, & vulneratur in coxa. Sed in vtraque egregie sustentatur à Deo, & vincit precibus & fidei prudentia atque constantia. Vidit enim circa se castra angelorum Dei disposita; cum fiducia prudentia Dei prudenter coniungit media: & ex lucta licet cruenta victoriam cum benedictione reportat.

Docemur, vitam nostram esse perpetuam militiam, & esse quidem catenata certamina: sed esse totidem exercitia diuina, quibus fiducia & inuocatio Dei in nobis excitetur, & quorum licet aliquando difficilis, semper tamen salutaris sit exitus, sicut dicitur: Sed in his omnibus gloriose vincimus per eum, qui dilexit nos. Et: Deus dabit cum tentatione exitum, Horum nos commones faciunt versiculi:

Prospectus in E.
fig. 510.

Nunquam bella piis, nunquam discrimina desunt,
Et cum quo certet, mens pia semper habet. Et:
Nobile vincendi genus est mala vincere posse:
Nobilius multo vincere posse Deum.

Partes duæ sunt.

Prima est profectio Iacobi in Cananeam, vsque ad vers. 24.
Alterata est luctatio cum Angelo.

Vtraque suis subdiuiditur membris.

In prima est, 1. Occursus angelorum, v. 1. 2.

2. Legatio ad fratrem, v. 3. 4. 5.

3. Consternatio Iacobi ex responso legatorum, v. 6. 7.

4. Media quibus in consternatione se munit contra periculum, vsque ad vers. 22. Sunt autem tria.

Primum, Diuisio familiæ in duas turmas, v. 7. 8.

Secundum, Precatio ad Deum, vers. quatuor.

Tertium, Munera præmissa ad placandum fratrem, vers. nouem seqq.

5. Traiectus fluminis Iacob, v. 22. 23.

In secun-